



## **Profielsjets veur de functie vaan bestuurslid vaan Veldeke Limburg mèt es accent onderwijs**

Veldeke Limburg zeuk 'ne bestuurder dee ziech in 't bezunder geit bezeg hawwe mèt onderwijszake. Oondaanks de erkinning vaan 't Limburgs es streektaol, is in 't onderwijs nog ummertouw spraoke vaan 'n ondergesjikke, zoe neet onderdrökde positie. Mèt naome 't verbeeje um Limburgs te spreke op vööl kinderdaagverblieve en basissjaole wèrk behaajd en bevordering vaan de Limburgse taol ernsteg tege. Meh ouch in hoeger opleiinge en in wetensjappelek oonderzoek kint 't Limburgs mie aondach good gebruke.

Vaan 't nui bestuurslid weurt verwach tot heer/zie ziech inzèt veur 't lègke vaan kontakte mèt relevante instanties binne de Limburgse onderwijswereld en 't helpe vaan dees instanties bij 't implementere vaan taolbeleid wat rech deit aon de wetensjappeleke inzichte euver de miweerde vaan 't beheerse vaan dialek neve de standaardtaol.

Daoneve zal 't bestuurslid ziech bezeg hawwe mèt de algemeen strategische en organisatorische zake die in 't bestuur op d'n agenda stoon, zoe wie corporate communicatie, relatiemanagement en good governance. Daobij hechte veer aon de volgende kwalificaties:

- Beheersing vaan teminste ein vaan de Limburgse dialekte
- Vertrouwdheid mèt de wereld vaan 't onderwijs
- Gooj nètwerkcapaciteite.

Veldeke Limburg is 'n vrijwèllegersorganisatie. De functie vaan bestuurslid is onbezoldeg. Wel is spraoke vaan vergeujing vaan gemaakde oonkoste.

Veldeke Limburg streef nao verjonging vaan häör organisatie en dus ouch vaan häör bestuur.

Mestreech, aprèl 2019